



Broj: 05/1-18-013331-24  
Tuzla, 20.05.2024.godine

Na osnovu člana 5. Odluke Vlade Tuzlanskog kantona o utvrđivanju uslova i kriterija, načinu i postupku raspodjele novčanih sredstava za kapitalne transfere u oblasti turizma, broj 02/1-18-10820/24 od 14.05.2024.godine, Ministar trgovine, turizma i saobraćaja Tuzlanskog kantona raspisuje:

## JAVNI POZIV

### **za podnošenje prijava za dodjelu bespovratnih sredstava za kapitalne transfere u oblasti turizma- projekti iz oblasti poslovne turističke infrastrukture i jačanje konkurentnosti poslovnih subjekata iz oblasti hotelijerstva i ugostiteljstva na području Tuzlanskog kantona za 2024. godinu**

#### 1. PREDMET POZIVA

Predmet Javnog poziva je dodjela bespovratnih sredstava za kapitalne transfere u oblasti turizma kao oblik sufinansiranja projekata iz oblasti poslovne turističke infrastrukture sa ciljem obogaćivanja turističke ponude i jačanja konkurentnosti privatnog poduzetništva-poslovnih subjekata iz oblasti hotelijerstva i ugostiteljstva sa područja Tuzlanskog kantona na turističkom tržištu Bosne i Hercegovine i regiona, a u skladu sa Odlukom Vlade Tuzlanskog kantona, broj 02/1-18-10820/24 od 14.05.2024.godine (u daljem tekstu: Odlukom) i Smjernicama o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije Bosne i Hercegovine“ broj 15/18).

#### 2. SVRHA DODJELE SREDSTAVA

Bespovratna finansijska sredstva za kapitalne transfere u oblasti turizma (u daljnjem tekstu: bespovratna sredstva) dodjeljuju se za projekte iz oblasti poslovne turističke infrastrukture, koji za cilj imaju obogaćivanje turističke ponude Tuzlanskog kantona i jačanje konkurentnosti poslovnih subjekata iz oblasti hotelijerstva i ugostiteljstva na turističkom tržištu kroz izgradnju i opremanje dodatnog sadržaja, a koji će se implementirati isključivo na području Tuzlanskog kantona.

Pod projektima poslovne turističke infrastrukture podrazumijevaju se projekti kao što su:

- bazeni,
- spa i wellness,
- objekti za sport i rekreaciju,
- igraonice za djecu,
- bašte,
- kino sale,
- fitness sale,
- sale za sastanke,
- tematske parkovi i izletišta,
- razvoj konjičkog, lovnog i ribolovnog i pustolovnog turizma,
- razvoj cikloturističkih sadržaja,

- kreativno-edukativni sadržaji,
- sadržaji vezani za etno zbirke i tradicijske zanate,
- poljoprivredne aktivnosti namijenjene turistima i drugi sadržaji.

Bespovratna sredstva se odobravaju za sufinansiranje sljedećih aktivnosti u okviru projekta:

- a) izgradnju,
- b) dogradnju,
- c) rekonstrukciju ili adaptaciju,
- d) uređenje i opremanje novih objekata poslovne turističke infrastrukture.

Sve aktivnosti, uključujući građevinske radove, nabavku opreme, ugradnju opreme, nabavku mašina i izvođenje radova moraju biti završene u roku od 12 mjeseci od datuma potpisivanja ugovora. Planirane investicije, čiji je predviđeni rok završetka duži od 12 mjeseci, smatrat će se neprihvatljivim.

Za projekte koji obuhvataju građevinske radove čija je realizacija u toku podnosioci imaju pravo prijave na Javni poziv, s tim da završetak mora biti planiran u roku od 12 mjeseci, objekt/oprema mora biti stavljen u funkciju, a svi troškovi nastali prije potpisivanja ugovora neće biti prihvaćeni.

Nabavka i ugradnja polovne opreme nije dozvoljena.

Nije dozvoljena nabavka od fizičkog lica koje nije registrovano za djelatnost proizvodnje i prodaje predmeta kupoprodaje.

Neprihvatljivi troškovi za koje se ne mogu koristiti sredstva su: kupovina i iznajmljivanje objekata, zemljišta, motornih i priključnih vozila, obnova, rekonstrukcija i modernizacija objekata za najam ili prodaju, plaće i doprinosi na plaće, nabavka usluga i opreme od lica koja nisu registrovana kao poslovni subjekti, cesije, krediti, lising, kompenzacije, polise osiguranja lica i imovine i svi ostali mogući troškovi koji nisu u skladu sa namjenom projekta iskazanom u prijavnim obrascu i budžetu projekta.

Podnosilac prijave će biti dužan pravdati trošak ukupnih sredstava predviđenih za realizaciju prijedloga projekta, kako vlastitih, tako i bespovratnih sredstava.

Svako korištenje odobrenih sredstava suprotno definisanim namjenama smatrat će se nenamjenskim utroškom.

Korisnici sredstava po ovoj Odluci ne mogu prestat s radom u periodu od minimalno dvije godine, u suprotnom su u obavezi vratiti dodjeljena sredstva u cjelokupnom iznosu.

### **3. PRAVO UČEŠĆA**

Bespovratna sredstva se dodjeljuju privatnim preduzećima, fizičkim licima - samostalnim poduzetnicima registrovanim za obavljanje turističko-ugostiteljske djelatnosti iz skupine hoteli, skupine kampovi i druge vrste ugostiteljskih objekata za smještaj, objekata u domaćinstvu, objekata u seoskom domaćinstvu, te ugostiteljskih objekata iz skupina „restorani“ i „barovi“ ukoliko ispunjavaju sljedeće kriterije:

- da su pozitivno poslovali u 2023. godini, što dokazuju bilansom stanja i uspjeha (kopija);
- da zapošljavaju:
  - a) fizička lica minimalno 2 (dva) radnika na neodređeno vrijeme, ne uključujući vlasnika,
  - b) pravna lica minimalno 5 (pet) radnika na neodređeno vrijeme, ne uključujući direktora, zaključno sa danom objave Javnog poziva, što dokazuju M4 obrascima ovjerenim od strane nadležne porezne uprave (kopija);
- da uredno izmiruju direktne poreze, doprinose za PIO/MIO i zdravstveno osiguranje i ostale naknade, prihode i takse (podnosioci prijave koji imaju sklopljen sporazum o servisiranju duga sa poreskim

organima u BiH neće biti uzeti u razmatranje), što dokazuju uvjerenjem nadležne poreske uprave (original);

- da uredno izmiruju indirektno poreze, ukoliko su u sistemu PDV-a, što dokazuju originalnim uvjerenjem UIO, odnosno ovjerenom izjavom da nisu u sistemu PDV-a;
- da imaju izmirene obaveze po osnovu uplate boravišne takse i članskog doprinosa Turističkoj zajednici, što dokazuju potvrdom izdatom od strane lokalne ili kantonalne Turističke zajednice;
- da su opravdali sredstva dodijeljena po osnovu javnih poziva Ministarstva trgovine, turizma i saobraćaja iz prethodne dvije godine;
- da nije pokrenut ili okončan postupak stečaja ili likvidacije, obustave ili ograničenja poslovne aktivnosti što dokazuje potvrdom nadležnog suda.

U slučaju da podnosilac prijave/korisnik ne ispunjava navedene kumulativne uslove, njegova prijava, bez obzira na ostalu podnesenu dokumentaciju, neće biti razmatrana.

Podnosioci prijave imaju mogućnost prijave samo jednog projekta iz navedene oblasti obuhvaćene ovim Javnim pozivom.

#### **4. PODNOŠENJE PRIJAVE**

Prijavu podnose korisnici koji ispunjavaju prethodno navedene kriterije za pravo učešća.

Podnosioci prijave koji ostvaruju pravo prijave na ovaj Javni poziv obavezni su dostaviti zahtjev i dokumentaciju propisanu Javnim pozivom kako slijedi:

##### **4.1. ZAHTJEV**

Prijava se podnosi dostavljanjem propisanog obrasca br.1 - Obrazac prijave za dodjelu novčanih sredstava za kapitalne transfere u oblasti turizma- projekti iz oblasti poslovne turističke infrastrukture i jačanje konkurentnosti poslovnih subjekata iz oblasti hotelijerstva i ugostiteljstva na području Tuzlanskog kantona za 2024.godinu (u daljem tekstu: Obrazac br. 1), koji se može preuzeti na web stranici Ministarstva trgovine, turizma i saobraćaja Tuzlanskog kantona: <http://mttstk.gov.ba>, odnosno Vlade Tuzlanskog kantona: <http://vladatk.kim.ba> i sastavni dio je ovog Javnog poziva.

Podnosilac prijave obavezno popunjava sve rubrike u zahtjevu isključivo na računaru i isti ovjerava potpisom ovlaštenog lica i pečatom privrednog subjekta.

##### **4.2. DOKUMENTACIJA**

Korisnik uz popunjeni Obrazac br.1 dostavlja i slijedeću dokumentaciju:

- 1) Budžet/finansijski plan projekta, čija forma je propisana i sastavni dio je Javnog poziva, sa traženim elementima (ukoliko je budžet izrađen na osnovu ponuda, potrebno je uz budžet dostaviti i ponude) - ispunjen, potpisan, ovjeren od strane podnosioca prijave i u cjelosti popunjen **isključivo na računaru,**
- 2) Rješenje o registraciji – ovjerena kopija:
  - a. za pravna lica - Rješenje iz sudskog registra (ukoliko pravno lice obavlja ugostiteljsku djelatnost preko poslovnih jedinica, i za iste podnosi zahtjev, sve moraju biti navedene u izvodu iz sudskog registra),
  - b. za fizička lica – Rješenje kojim se odobrava rad fizičkom licu izdato od strane nadležnog općinskog/gradskog organa,
- 3) Rješenje o ispunjavanju minimalnih uvjeta postojećih ugostiteljskog objekta i uvjeta za kategorizaciju – ovjerena kopija:
- 4) Rješenje kojim su utvrđeni minimalni uvjeti i uvjeti za kategoriju, izdato od strane Federalnog ministarstva okoliša i turizma, Ministarstva ili nadležnog općinskog/gradskog organa, u zavisnosti od vrste i kategorije ugostiteljskog objekta za smještaj (za ugostiteljske objekte kojima je propisana obavezna kategorizacija - ugostiteljski objekti za smještaj),

- 5) Uvjerenje o poreznoj registraciji kod Porezne uprave FBiH – ID broj – original ili ovjerena kopija,
- 6) Obavještenje o razvrstavanju prema klasifikaciji djelatnosti – original ili ovjerena kopija,
- 7) Uvjerenje o urednom ispunjavanju obaveze plaćanja direktnih poreza, doprinosa za PIO/MIO i zdravstveno osiguranje i ostalih naknada, prihoda i taksi - Uvjerenje nadležne poreske uprave (original),
- 8) Uvjerenje o urednom izmirenju indirektnih poreza, ukoliko su u sistemu PDV-a - Uvjerenjem UIO, odnosno ovjerena izjava da podnositelj prijave nije u sistemu PDV-a – original,
- 9) Kopije M4 obrazaca zaposlenih lica ovjerenih od strane nadležne poreske uprave,
- 10) Bilans stanja i uspjeha za 2023. godinu ovjeren od strane nadležne poreske uprave – kopija,
- 11) Potvrdu ili uvjerenje o izmirenim obavezama po osnovu uplate boravišne takse i članskog doprinosa Turističkoj zajednici – potvrda ili uvjerenje lokalne ili kantonalne Turističke zajednice – original,
- 12) Potvrdu ili uvjerenje suda prema sjedištu pravnog lica - original:
  - a. da nije pokrenut postupak stečaja ili likvidacije, da nije izrečena mjera zabrane obavljanja djelatnosti za pravno lice,
  - b. da odgovorna osoba pravnog subjekta (preduzeća ili samostalni poduzetnik), koji aplicira za dodjelu bespovratnih sredstava, u krivičnom postupku nije osuđena pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini - original ili ovjerena kopija,
- 13) Vremenski plan realizacije predloženih aktivnosti i finansiranja - ispunjen, potpisan, ovjeren od strane podnosioca prijave i u cjelosti popunjen isključivo na računaru,
- 14) Ugovor sa bankom o otvaranju transakcijskog računa na koja će se doznačiti odobrena sredstva – kopija,
- 15) Potpisana i ovjerena, od strane podnosioca prijave, izjavu o namjeri i iznosu vlastitog sufinansiranja,
- 16) Izjava o nepostojanju dvostrukog finansiranja - potpisana i ovjerena od strane podnosioca prijave,
- 17) Izjavu o korištenim podrškama male vrijednosti - potpisana i ovjerena od strane podnosioca prijave,
- 18) Foto dokumentaciju trenutnog stanja prijavljenog projekta – fotografije sa datumom i vremenom fotografisanja,
- 19) Dokaz o sufinansiranju, ukoliko je projekat sufinansiran i iz drugih izvora,
- 20) Dokaze o vlasničkom ili drugom stvarno-pravnom statusu prema objektu ili području realizacije projekta, odnosno kopije ZK izvadaka svih katastarskih čestica iz obuhvata projekta (ne starije od 30 dana). Ako objekt ili područje realizacije projekta nisu u 100% vlasništvu podnosioca prijave prilaže se ovjerena izjava da su vlasnici ili suvlasnici saglasni s provedbom projekta odnosno dokaz o pravu raspolaganja tim zemljištem (ugovor o korištenju ili zakupu ili koncesiji minimalno na 5 godina, punomoć, rješenje ili dr.),
- 21) Tehničku dokumentaciju o projektu (predmjer građevinskih i zanatskih radova, idejno rješenje, tlocrti, izgled objekta ili predmeta projekta), izrađenu i ovjerenu od ovlaštenog inženjera i dostavljenu u printanoj verziji,
- 22) Uvjerenje nadležnog organa lokalne samouprave o usklađenosti zahvata projekta s važećom prostorno-planskom dokumentacijom (ne starije od 60 dana);
- 23) Urbanističku ili građevinsku dozvolu za projekte koji su u fazi realizacije ili imaju projektnu dokumentaciju, odnosno potvrdu nadležnog organa lokalne samouprave da za navedene aktivnosti nije potrebno ishoditi građevinsku dozvolu;
- 24) Ako se prijavljuje nabava opreme, prilaže se odgovarajuće ponude dobavljača s tehničkim opisom opreme koja se nabavlja i usklađenost iste sa idejnim rješenjem koje se odnosi na projekat.

Ukoliko je podnositelj zahtjeva potvrdio da ne postoji dvostruko finansiranje (izjava pod rednim brojem 16.) nije u obavezi dostavljati dokaz pod rednim brojem 19..

**VAŽNA NAPOMENA: Tražena dokumentacija mora biti popunjena na računaru, složena i numerisana redoslijedom kako je to navedeno u Javnom pozivu. U protivnom, prijava neće biti razmatrana.**

## 5. SREDSTAVA ZA DODJELU

U skladu sa Odlukom, a na osnovu Budžeta Tuzlanskog kantona za 2024.godinu i Zakona o izvršenju Budžeta Tuzlanskog kantona za 2024. godinu („Službene novine Tuzlanskog kantona“ broj 3/24) ukupna raspoloživa finansijska sredstva u okviru ovog Javnog poziva iznose 250.000,00 KM.

Odobrena sredstva za pojedinačni projekat mogu iznositi minimalno 8.000 KM (slovima: osamhiljada konvertibilnih maraka) do maksimalno 30.000 KM (slovima: tridesethiljada konvertibilnih maraka).

Za svaki predloženi projekat podnosilac prijave mora obezbijediti novčano sufinansiranje u iznosu od najmanje 50% od ukupnog iznosa predložene investicije/intervencije.

Ukupni budžet prijedloga projekta, uključujući i sufinansiranje podnosioca prijave, ne može biti manji od 16.000,00 KM.

Podnosilac prijave je dužan prikazati tačne podatke o izdvojenim finansijskim sredstvima kroz prijavni obrazac i budžet, zajedno sa izjavom o minimalnom iznosu sufinansiranja.

Podnosioci prijava koji su ostvarili pravo na sufinansiranje projekata po Javnim pozivima Ministarstva u posljednje dvije godine kumulativno u iznosu od 30.000 KM i više, nemaju pravo na prijavu na ovaj Javni poziv.

Ministarstvo zadržava pravo da ne raspodijeli sva raspoloživa sredstva, ukoliko kvalitet projektnih prijedloga nije zadovoljavajući i projekti ne ispunjavaju sve definirane kriterije.

## 6. IZBOR KORISNIKA I PRAVNA ZAŠTITA

Pregled prijava i dokumentacije, obradu i kontrolu podataka, te ocjenu o ispunjavanju uslova vršit će Komisija imenovana rješenjem Ministra trgovine, turizma i saobraćaja Tuzlanskog kantona, a u skladu sa Odlukom.

Pri odlučivanju o odabiru projekata i dodjeli bespovratnih sredstava uzimat će se u obzir sljedeći posebni kriteriji:

KRITERIJI ZA OCJENJIVANJE PRIJAVA				
Eliminatorni uslov	Relevantnost projekta u odnosu na ciljeve i aktivnosti koji su definisani Javnim pozivom i da li je projekat u skladu s mjerama i aktivnostima planiranim u Strategiji razvoja turizma na području TK u periodu 2024-2029. godina	DA	NE	
Bodovni kriteriji		BODOVI	UKUPNO	
1	Faza realizacije, odnosno pripreme projekta	Projekat već u fazi realizacije	15	do 15
		Urađena projektna dokumentacija	10	
		Projekat u fazi idejnog rješenja	5	
2	Udio vlastitih ili drugih sredstava	≥70%	20	do 20
		≥60%	10	

≥50%		5		
Investicija će rezultirati kreiranje novih radnih mjesta		1-2 novo-uposlena	5	do 10
		3 i više novo-uposlenih	10	
Kakav je značaj i relevantnost projekta za razvoj cjelokupne turističke ponude Kantona i područja na kojem se projekt realizira	Povećanje ekonomske razvijenosti (planirano povećanje prihoda-finansijska procjena)	do 10%	5	do 25
		10% i više	10	
	Poboljšanje turističke ponude (novi sadržaj ili adaptacija/rekonstrukcija postojećeg)	novi sadržaj	5	
		adaptacija/rekonstrukcija	3	
	Značaj za poduzetništvo u ugostiteljstvu i turizmu	DA - 5 NE - 0		
Doprinosi produženju turističke sezone	DA - 5 NE - 0			
Projekt doprinosi razvoju selektivnih oblika turizma		DA - 5 NE - 0		do 5
Projekat se temelji na autohtonim vrijednostima, tradiciji, kulturi i običajima		DA - 5 NE - 0		do 5
Aktivnosti projekta jasno određene, opravdane, razumljive i provedive u skladu sa očekivanim rezultatima		DA - 5 NE - 0		do 5
Da li je prijedlog projekta održiv u smislu nastavka funkcioniranja i održavanja i nakon završetka implementacije projekta?		DA - 5 NE - 0		do 5
Da li su očekivani rezultati izvodljivi, dobro opisani (mjerljivi i kvantificirani) te logički povezani sa ciljevima?		DA - 5 NE - 0		do 5
Da li je predloženi budžet realan, jasan i usklađen sa očekivanim rezultatima?		DA - 5 NE - 0		do 5
UKUPNO				100

Podnosilac prijave može ostvariti maksimalno 100 bodova po prijavljenom projektu.

Samo oni prijedlozi projekata koji ostvare 70 i više bodova od mogućih 100 uvrštavaju se na rang listu za finansiranje u okviru raspoloživih sredstava.

Svi kriteriji za ocjenjivanje predloženog projekta moraju biti jasno navedeni i obrađeni u prijedlogu projekta, a mogu biti potvrđeni i dodatnom dokumentacijom (mišljenje nadležnog organa lokalne samouprave, mišljenje lokalne turističke zajednice i sl.).

Obzirom na ograničenu visinu raspoloživih sredstava, prijave pristigle po objavljenom Javnom pozivu obrađuju se i rangiraju po redoslijedu zaprimanja.

Komisija, na osnovu kriterija utvrđenih Odlukom, utvrđuje preliminarnu listu odabranih projekata i projekata koji nisu prihvaćeni.

Preliminarna lista se objavljuje na web stranici Ministarstva i Vlade Kantona, a sadrži:

- a. nazive podnosilaca prijave,
- b. nazive projekata,
- c. iznose sufinansiranja,
- d. razloge zbog kojih projekti nisu prihvaćeni.

Na objavljenu preliminarnu listu podnosioci prijave mogu izjaviti pisani prigovor u roku od 5 dana od dana objave preliminarne liste, na način utvrđen u Javnom pozivu a na **adresu centralne pisarnice Vlade Tuzlanskog kantona u ulici Fra Grge Martića br. 8 (preko puta Srednje medicinske škole) u Tuzli.**

Odluku o prigovoru donosi Ministar, u roku od 5 dana od dana isteka roka za prigovor. Odluka Ministra po izjavljenom prigovoru je konačna.

Po okončanju roka za prigovor i nakon rješavanja prigovora, Ministar donosi Odluku o utvrđivanju konačne liste o odobravanju finansijskih sredstava korisnicima sa iznosima i namjenom. Konačna lista se objavljuje na web stranici Ministarstva i Vlade Kantona.

U skladu sa objavljenom konačnom listom, sa odabranim korisnicima se u roku od 15 (petnaest) dana od objavljivanja konačne liste, zaključuje Ugovor kojim će se definisati međusobna prava, obaveze, odgovornosti i rokovi realizacije projekta.

## **7. ROK ZA DOSTAVLJANJE PRIJAVA**

Rok za dostavljanje prijave je **30 dana** od dana objave ovog Javnog poziva. Javni poziv će biti objavljen na web stranici Ministarstva trgovine, turizma i saobraćaja Tuzlanskog kantona: <http://mttstk.gov.ba/> i web stranici Vlade Tuzlanskog kantona: <http://vladatk.kim.ba/>.

Smatra se da je prijava blagovremena ukoliko je zaprimljena u Centralnoj pisarnici kantonalnih organa Tuzlanskog kantona, u ulici Fra Grge Martića br. 8, do **srijede 19. juna 2024. godine do 15,00 sati.**

Podnosilac, koji je prijavu predao putem preporučene pošte, a čija prijava bude zaprimljena u Centralnu pisarnicu nakon utvrđenog roka, preuzima rizik neblagovremenosti i njegova prijava, kao neblagovremena, neće biti razmatrana.

**Nepotpune i neblagovremene prijave na ovaj Javni poziv neće se uzeti u razmatranje.**

## **8. MJESTO I NAČIN PODNOŠENJA PRIJAVA**

Prijave se podnose Ministarstvu trgovine, turizma i saobraćaja Tuzlanskog kantona u zatvorenoj koverti, preporučeno putem pošte na adresu:

**Ministarstvo trgovine, turizma i saobraćaja Tuzlanskog kantona,  
Fra Grge Martića 8  
75000 Tuzla**

ili lično na centralnu pisarnicu Vlade Tuzlanskog kantona u zgradi Tehnograd Company, u ulici Fra Grge Martića br.8 (preko puta Srednje medicinske škole) u Tuzli.

Na zatvorenoj koverti obavezno je navesti:

**NE OTVARATI - Prijava na Javni poziv za dodjelu bespovratnih sredstava za kapitalne transfere u oblasti turizma - projekti iz oblasti poslovne turističke infrastrukture i jačanje konkurentnosti poslovnih subjekata iz oblasti hotelijerstva i ugostiteljstva na području Tuzlanskog kantona za 2024. godinu**

Na poleđini zatvorene koverte obavezno je navesti **naziv i adresu i kontakt telefon podnosioca prijave.**

## **9. OSTALE ODREDBE**

Odabrani korisnici bespovratnih sredstava se obavezuju promovisati u svojim javnim nastupima provedbu projekta i ostvarene rezultate te kroz svoje promotivne aktivnosti navoditi Vladu Tuzlanskog Kantona i Ministarstvo trgovine, turizma i saobraćaja Tuzlanskog kantona kao institucije koje sufinansiraju projekat te isto uz izvještaj potkrijepiti dokazima (info tabele, brošure, promotivni materijal u digitalnom obliku, plakati, videozapisi, članci iz novina i sl.).

Ministarstvo trgovine, turizma i saobraćaja Tuzlanskog kantona ne snosi nikakve troškove podnosiocu prijave u pripremi i dostavljanju prijave po ovom Javnom pozivu.

Prijava (dostavljeni zahtjev i dokumentacija) po ovom Javnom pozivu ne vraća se podnosiocu prijave.

Sva dodatna pitanja u vezi ovog Javnog poziva mogu se postaviti svakim radnim danima u terminima od 12 do 14 sati na jedan od slijedećih brojeva telefona 035/ 369 486 i 035/369 418.



**MINISTAR**

*Denis Bećirović*